

Headlines

- प्रधानमंत्री नरेन्द्र मोदी होरें खेड्ड मंत्री हुंदा “युवा आध्यात्मिक सम्मेलन” बारे इक लेख सांझा करदे होई आखेआ ऐ जे एह सम्मेलन नशामुक्त भारत बनाने च मता मददगार साबत होग।
- उपराज्यपाल मनोज सिंह होरें आखेआ ऐ जे पाकिस्तान गी सिंधु जल समझौता खत्म होने कन्नै घाट्टा झल्लना पौग।
- मुख्य सचिव अटल डुल्लू होरें आखेआ ऐ जे शिक्षा दा मजर ते विद्यार्थिएं दा भविक्ख आध्यापकें दी निष्ठा ते काबलियत पर बी मता निर्भर करदा ऐ।
- जम्मू कश्मीर पुलसै दे काउंटरे खुफिया सींगै नै आतंकवाद कन्नै जुड़े दे इक मामले च कश्मीर घाटी दे 4 जिलें च 10एं थाहरें पर छापेमारी कीती।
- जम्मू दे डिप्टी कमीशनर होरें श्री माता वैष्णो देवी श्राइन बोर्ड दे सीईओ दी बाद्दू जिम्मेदारी दित्ती गई ऐ।

<><><><><><>

PM Article

प्रधानमंत्री नरेन्द्र मोदी होरें अज्ज युवा मामलें ते खेड्ड मंत्री डॉ. मनसुख मांडविया हुंदे इक लेख दा जिक्र करदे होई आखेआ ऐ जे युवा आध्यात्मिक शिखर सम्मेलन लशामुक्त भारत दे निर्माण च इक बड़ा अहम करदम ऐ। अपने इक सोशल मीडिया पोस्ट च मोदी होरें आखेआ जे डॉ. मनसुख मांडविया होरें अपने लेख च बड़ी तफसील च इस गल्लै गी समझाया ऐ जे एह सम्मेलन किस चाल्ली कन्नै नोजवानें गी नशे दी कबैतु कोला दूर रखियै, नशा मुक्त भारत बनाने च मता कारी दा साबत होई सकदा ऐ। तोआई युवा मामले दे मंत्री होरें आपूं बी इस

गल्लै पर जोर भरेआ ऐ जे 2047 तगर भारत गी इक विकसित मुख्य बनाने दे लक्ष्य गी हासल करने लेई नोजवानें दा नशे कोला दूर रौहना किन्ना जरूरी ऐ। वाराणसी च “युवा आध्यात्मिक शिखर सम्मेलन दे उद्घाटनी सत्र गी संबोधत करदे होई उनें देशवासिएं अग्रे अपील कीती जे ओ राष्ट्र निर्माण गी तरजीह दिंदे होई नशा मुक्त भारत अभियान कन्ने जुड़न

<><><><><><>

LG-IWT

उपराज्यपाल मनोज सिन्हा होरें जोर देइयै आखेआ ऐ जे खून ते पानी किट्ठे नेई बगी सकदे ते पाकिस्तान कन्ने सिंधु जल समझौते गी खत्म करने कन्ने औने आले समें च अर्थबवस्था पर बी असर पौग। संत कुमार शर्मा हुंदी लिखी दी कताब “इंडस वाटर ट्रीटी—मिररिंग द फैक्ट्स” दे विमोचन समारोह गी संबोधत करदे होई एपराज्यपाल होरें पहलगाम आतंकी हमले च मारे गेदे लोकें दा जिक्र करदे होई उनेंगी श्रद्धांजलि बी दित्ती। इस आतंकी हमले दे बाद सिंधु जल समझौते गी खत्म करने दे फैसले बारे उनें आखेआ

एहदे शा पैहले कल महर्षि दयानंद सरसवती हुंदी 200मीं जन्म जयंति दे सिलसिले च जम्मू च आयोजित सुबाई सतह दे आर्य महासम्मेलन गी बी संबोधत कीता। कल गै आर्य समाज दी स्थापना दी डेढ़ सौमे बरे गंड बी ऐ ही।

<><><><><><>

CS-SED

मुख्य सचिव अटल डुल्लू होरें आखेआ ऐ जे तालीमी इदारे च बड्डी कोला बड्डी ढांचागज ते तकनीकी सुविधा उच्च तोड़ी खरे नतीजे सामने नेई आहन्नी सकदी जिच्चर अध्यापक अपनी ड्यूटी पूरी कुशलता कन्ने अंजाम नेई दिंदे। उनें आखेआ जे विद्यार्थिएं गी पढ़ाने च अध्यापकें दे समर्णभाव ते उंदी प्रतिभा दी थाहर कोई बड्डी कोला बड्डी सुविधा जा तकनीक नेई लेइ सकदी। एह गल्ल उनें स्कूली शिक्षा मैहकमे दी व्यापक जायजा बैठक दी अध्यक्षता करदे होई आक्खी। जेहड़ी मैहकमे च शिक्षण सुधारें दी अमल आवरी दा जायजा लैने लेई सददी गेदी ही। मुख्य सचिव होरें सरकारी स्कूलें च शिक्षा दे मयार च बेह्तरी आहन्ने दी जरूरत पर जोर दित्ता ते आखेआ जे मैहकमे कश 11 ज्हार करोड़ रपे दा खासा बजट ऐ जेहदा इस्तेमाल शिक्षा दे मयार गी उबड़ा चुक्कने लेई कीता जाना लोड़चदा।

<><><><><><>

Biker Welcome

आपरेषन सिंदूर दी कामयाबी दा जश्न मनाने दे मकसद कन्नै कीता गेदा ऐ। सुआगत दे बाद चनैनी दे विधायक बलवंत सिंह मनकोटिया होरें नेहरू युवा केन्द्र दे जिला अफसर कोशल गुप्ता ते खरी गिनतरी च आम लोकें दी मजूदगी इस दल गी अगगे दे सफर पर बरधाया।

<><><><><><>

Bal Puskar

भारत सरकार नै प्रधानमंत्री राश्ट्री बाल पुरस्कार 2025 आस्तै नामांकन मग्गे न। एह पुरस्कार 6 कोला 8एं ब'रे दी बरेसु दे न्याणे गी दित्ता जाने आला सर्वोच्च नागरिक सम्मान ऐ। जेकी तुस बहादुरी, समाज सेवा, वातावरण, खेड्ड, कला ते संस्कृति जां विज्ञान ते प्रौद्योगिकी जनेह् खेत्तरें च उपलब्धि हासल करने आले कुसै युग दे बारे जानदे ओ, तां मेहरवानी करियै उनेंगी हुन बी नामत करो। नामांकन जमा करने आस्तै 31 जुलाई 2025 दी समें सीमा गी शा पैहले awards.gov.in पर जाओ।

<><><><><><>

CIK Raids

जम्मू कश्मीर पुलस दी काउंटर इंटैलीजेंस कश्मीर सीआईके नै कश्मीर खित्तें दिएं बक्ख-बक्ख 10एं थाहरें उप्पर छापेमारी कीती ऐ। सीआईके दे अधिकारिएं दस्सेआ ऐ जे एह छापेमारी बन्ने पार थमां जैशे मोहम्मद दे कमांडर अब्दुल्ला गाजी आस्सेआ चलाए जा'रदे स्लीपर सेल ते भर्थी प्रक्रिया दे आतंकी अपराध मामलेच कीती जा'रदी ऐ। छापेमारी पुलवामा जिले दी इक थाहर, गांदरबल जिले दी 6 थाहरें, श्रीनगर दी 1 ते बडगाम जिले दी दऊं थाहरें उप्पर कीती गई ऐ।

<><><><><><>

DIG Buddha Amarnath

राजौरी-पुंछ रेंज दे डीआईजी तेजिंदर सिंह होरें औंदी बुड्डा अमरनाथ यात्रा लेई कीती जा'रदिएं तैआरिएं दा जायजा लैता। अपने दौरे दरान उनें सरबंधत धड़ें कन्नै व्यापक चर्चा कीती जिंदे च सनातन धर्म सभा ते बक्ख-बक्ख समाजिक, धार्मिक ते सिविल सोसायटी दे सदस्य शामिल हे। चच्चा दा मुख्ख केन्द्र सुरखा अजेंसिएं ते मकामी संगठनें बश्कार आपसी तालमेल बनाइयै कम्म करना ते यात्रुएं दी सुविधाएं दा चेचा ध्यान रखना हा।

<><><><><><>

Jhajjar Kotli Accident

अज्ज उधमपुर शा जम्मू आवा'रदी इक यात्रु बस झझरकोटली कोल शिड़क हादसे दा शकार होई गई। इस हादसे च 12 लोकें दे घायल होने दी खबर ऐ। हादसे मगरा इमरजेंसी टीम नै जिंदे च पुलस ते एंबुलेंस बी शामिल हियां, फौरी तौरा पर घायलें गी गोरमेंट मैडिकल कालेज पजाया। सूत्रें दस्सेआ जे किश घायलें दी हालत नाजुक दस्सी जा'रदी ऐ। हादसे दा मुख्य कारण गड्डी गी तेज रफतार दस्सी जा'रदी ऐं पुलस नै इस मामले च केस दर्ज करी लेआ ऐ।

<><><><><><>

Relief Road Accident

हमदर्दी ते जवाबदेही आले रवैये गी दर्शादे होई जिला प्रशासन जम्मू नै आरटीओ जम्मू, एसएसपी ट्रैफिक जम्मू ते सीएमओ जम्मू कन्नै मिलियै जम्मू कश्मीर यानि दुर्घटना पीड़ित कोष निगत-2022 यानि जेएंडके रोड एक्सीडेंट विकटिम फंड रूलर 2.33 दे तैह्त् शिड़क दुर्घटना दे पीड़ितें गी तुरत ते असरदार राह्म पजाई ऐ, पिछले इक म्हीने च पूरे जम्मू जिले च शिड़क हादसें च पीड़ित ते घायल लोकें गी ते मारे गेदे ते परोआर आले दे बैंक खाते च सिद्धे तौरा पर 24 लक्ख 600 ज्हार रपे दी रकम जमा कीती गई ऐ।

<><><><><><>

DL Suspended

श्रामबन दे मोटर गडिडएं सरबंधी मैह्कमे आस्सेआ उपाएं गी होर सशक्त करदे दे मददेनजर यातायात नियमें दी उल्लंघना करने आलिएं 28 गडिडएं गी जब्त कीता ते 1.एँ दा ड्राइविंग लाइसेंस रद्द करी दित्ता। एआरटीओ रामबन कुलदीप सिंह होरें एह्दे बारे गल्ल करदे होई आखेआ

<><><><><><>